

Sarajevo, 12-11-2020

Broj: 01-11-3-52696

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Zapsinik o ocjeni ponuda br.10-33-4-51983 od 09.11.2020. godine, Generalna direktorica donosi:

### ODLUKU

o poništenju postupka javne nabavke za  
za pružanje usluga dezinfekcije, dezinfekcije i deratizacije za potrebe KCUS-a

#### I

Prihvata se prijedlog Komisije za javnu nabavku, Zapsinik o ocjeni ponuda br.10-33-4-51983 od 09.11.2020. godine za pružanje usluga dezinfekcije, dezinfekcije i deratizacije za potrebe KCUS-a, nakon provedenog otvorenog postupka sa objavom obavještenja br. 893-1-2-513-3-267/20 od 16.07.2020. godine **da se postupak nabavke poništi**, u skladu sa čl. 69. stav (2) pod d) ZJN nijedna od primljenih ponuda nije prihvatljiva.

#### II

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a putem web stranice Kantona Sarajevo.

#### III

Odluka o izboru najpovoljnijeg ponuđača za pružanje usluga dezinfekcije, dezinfekcije i deratizacije za potrebe KCUS-a br: 01-04-4-38735 od 28.08.2020.godine, stavlja se van snage.

### OBRAZLOŽENJE

Na osnovu Odluke o pokretanju postupka javne nabavke br. 01-11-3-32115 od 15.07.2020.godine sa procijenjenom vrijednosti nabavke u iznosu od 90.000,00 KM bez PDV-a, Klinički centar Univerziteta u Sarajevu ( u daljem tekstu KCUS) je 16.07.2020. godine objavio Obavještenje o nabavci broj: 893-1-2-513-3-267/20 na portalu e-Nabavke zajedno sa tenderskom dokumentacijom za pružanje usluga dezinfekcije, dezinfekcije i deratizacije za potrebe KCUS-a, putem otvorenog postupka.

Tenderska dokumentacija za postupak nabavke je objavljena na portalu e- Nabavke i istu je preuzelo 15 (petnaest) ponuđača, a do krajnjeg roka određenog za prijem ponuda, 18.08.2020.godine, dostavljene su 4 (četiri) ponude ponuđača:

PODACI IZ PONUDE	1.	2.	3.	4.
Naziv ponuđača	Sanacija 3D d.o.o	Sanitacija d.o.o	IDS Zdrava sredina	Desinfecta d.o.o
Broj i datum ponude	10-11-3-36758 od 17.08.2020 12:05 h	10-11-3-36823 od 17.08.2020 14:10 h	10-11-3-36898 od 18.08.2020 09:25 h	10-11-3-36888 od 18.08.2020 09:00 h
Cijena ponude bez PDV-a (KM)	87.750,00	112.265,00 popust 20 89.812,00 sa popustom	89.020,00	89.980,00

Navedeni ponuđači su preuzeli tendersku dokumentaciju i samim tim ostvarali pravo učešća u postupku.

Zapisnik o javnom otvaranju ponuda broj:10-33-4-36972 od 18.08.2020.godine, u zakonski predviđenom roku dostavljen je putem fax-a ponuđačima, te da od strane istih u zakonski predviđenom roku nije izjavljena žalba KCUS-u.

*Lythunje! Zdrava*

Nakon izvršenog otvaranja ponuda Komisija za javne nabavke je pristupila pregledu i ocjeni ponuda te na osnovu toga sačinila Zapisnik o pregledu i ocjeni ponuda br:10-33-4-37526 od 21.08.2020.godine, i zakazala postupak e-aukcija za 24.08.2020.godine u 10:00 sati ,koji je proveden putem portala www.ejn.gov.ba i to u skladu sa Pravilnikom o uslovima i načinu korištenja e-aukcije („Službeni glasnik BiH“ br. 66/16).

Na osnovu preporuke Komisije za javne nabavke Ugovorni organ je donio Odluku o izboru najpovoljnijeg ponuđača br. 01-04-4-38735 od 28.08.2020.godine, kojom je za najpovoljnijeg ponuđača nakon provedene e-aukcije odabran ponuđač Dezinfekta d.o.o. Sarajevo.

Na odluku o izboru najpovoljnijeg ponuđača izjavljena je žalba od strane ponuđača Sanitacija i Dezinfekta.

Ured za razmatranje žalbi BiH Rješenjem broj: JN2-03-07-1-2521-9/20 (KCUS broj:58-11-3-47839 od 21.10.2020.godine) usvojio je žalbu ponuđača Sanitacija d.o.o, koju je izjavio na ponudu ponuđača Dezinfekta i poništio je Odluku o izboru najpovoljnijeg ponuđača za pružanje usluga dezinfekcije, dezinfekcije i deratizacije za potrebe KCUS-a br: 01-04-4-38735 od 28.08.2020.godine i predmet vratio ugovornom organu na ponovni postupak.

Ured za razmatranje žalbi BiH Rješenjem broj: JN2-03-07-1-2522-7/20 (KCUS broj:58-11-3-48658 od 26.10.2020.godine) usvojio je žalbu ponuđača Dezinfekta, koju je izjavio na ponudu ponuđača Sanitacija d.o.o i poništio je Odluku o izboru najpovoljnijeg ponuđača za pružanje usluga dezinfekcije, dezinfekcije i deratizacije za potrebe KCUS-a br: 01-04-4-38735 od 28.08.2020.godine i predmet vratio ugovornom organu na ponovni postupak.

Komisija je postupila u skladu sa Rješenjima Ureda za razmatranje žalbi BiH i izvršila je ponovnu ocjenu-evaluaciju ponuda za predmetni postupak i konstatovala sljedeće:

Ponuda ponuđač **IDS Zdrava sredina nije formalno-pravno ispravna**, jer nije dostavljena u skladu sa tačkom 3.1. tenderske dokumentacije, kojom je definisana **Tehnička i profesionalna sposobnost pod tačkom p)** Lista zaposlenih kao dokaz da je ponuđač tehnički opremljen i da ima kadar sa kojim ispunjava obrazovne i profesionalne kvalifikacije za izvršenje usluga DDD i termičke aerosolizacije u skladu sa propisima (na obrascu iz TD), a u Obrascu tenderske dokumentacije propisano da je ponuđač u radnom odnosu mora imati zaposlene kadrove i to najmanje:

- a) jednog doktora medicine, ili diplomiranog sanitarnog inženjera (VSS prvi ciklus sanitarno-ekološkog smjera) sa tri godine radnog iskustva na istim poslovima, b) jednog diplomiranog sanitarnog inženjera (VSS prvi ciklus sanitarno-ekološkog smjera), c) dva kvalificirana izvršitelja (VSS prvi ciklus sanitarno-ekološkog smjera ili SSS tehničar sanitarno-ekološkog smjera).
- b) Stručni kadar u okviru svog stručnog zvanja, treba da ima položen stručni ispit pred nadležnim ministarstvom zdravstva suglasno propisima o zdravstvenoj zaštiti, kao i da ima licencu, odobrenje za samostalan rad, izdanu od strane mjerodavne komore.

Navedeni ponuđač nije dostavio za listu zaposlenih dokaze o položenom stručnom ispitu i licence , te se iz tih razloga ponuda ponuđača **IDS Zdrava sredina** odbacuje kao neprihvatljiva.

Ponuda ponuđač **Sanacija 3D d.o.o nije formalno-pravno ispravna**, jer nije dostavljena u skladu sa tačkom 3.1. tenderske dokumentacije, kojom je definisana **Tehnička i profesionalna sposobnost pod tačkom p)** Lista zaposlenih kao dokaz da je ponuđač tehnički opremljen i da ima kadar sa kojim ispunjava obrazovne i profesionalne kvalifikacije za izvršenje usluga DDD i termičke aerosolizacije u skladu sa propisima (na obrascu iz TD), a u Obrascu tenderske dokumentacije propisano da je ponuđač u radnom odnosu mora imati zaposlene kadrove i to najmanje:

- a) jednog doktora medicine, ili diplomiranog sanitarnog inženjera (VSS prvi ciklus sanitarno-ekološkog smjera) sa tri godine radnog iskustva na istim poslovima, b) jednog diplomiranog sanitarnog inženjera (VSS prvi ciklus sanitarno-ekološkog smjera), c) dva kvalificirana izvršitelja (VSS prvi ciklus sanitarno-ekološkog smjera ili SSS tehničar sanitarno-ekološkog smjera).

- b) Stručni kadar u okviru svog stručnog zvanja, treba da ima položen stručni ispit pred nadležnim ministarstvom zdravstva suglasno propisima o zdravstvenoj zaštiti, kao i da ima licencu, odobrenje za samostalan rad, izdanu od strane mjerodavne komore.

Navedeni ponuđač nije dostavio za listu zaposlenih dokaze o položenom stručnom ispitu i licence, te se iz tih razloga ponuda ponuđača **Sanacija 3D d.o.o** odbacuje kao neprihvatljiva.

Ponuda ponuđača **Sanacija d.o.o** ne ispunjava tehničke karakteristike postavljene u tenderskoj dokumentaciji na strani 18 Anex 3 u kolini pod rednim brojem 7. **Vrsta usluge** depedikulacija ponudio je sredstvo **Izosan G, Pliva**, proizvodnja 2019.godina, što nije u skladu sa zahtjevima tenderske dokumentacije jer Izosan G ne spada u sredstva kojim se može izvršiti depedikulacija.

**Ponuđač Sanacija nije dostavio dokaz da je ponuđeno sredstvo spada u II i III skupinu otrova kako je definisano tenderskom dokumentacijom.**

Dalji pregledom ponude **Sanacija d.o.o** konstatovana je da ponuđač kao dokaz za tačku 3 pod a) za Alisu Kajaniju dostavio uvjerenje o položenom stručnom ispitu i licencu za samostalan rad, s tim da nije dostavio dokaz o radnom iskustvu od tri godine na istim poslovima, što nije u skladu sa tačkom 3. Tenderske dokumentacije -Tehnička i profesionalna sposobnost, kojom je definisano je da bi ponuđači učestvovali u postupku javnih nabavki za usluge DDD u radnom odnosu moraju imati zaposlene kadrove i to najmanje:

- a) jednog doktora medicine, ili diplomiranog sanitarnog inženjera (VSS prvi ciklus sanitarno-ekološkog smjera) **sa tri godine radnog iskustva na istim poslovima.**

Obzirom na navedeno, konstatovano je da ponuda ponuđača Sanacija d.o.o. ne ispunjava zahtjeve ugovornog organa, koji su traženi tenderskom dokumentacijom, radi se čega se ponuda odbacuje kao neprihvatljiva.

Ponuda ponuđača **Dezinfekta d.o.o** ne ispunjava tehničke karakteristike postavljene u tenderskoj dokumentaciji na strani 57. ponude pod rednim brojem 5. **Vrsta usluge** – Deviperacija, ponudio je sredstvo Kalif granulat, proizvođača Kollant, proizvodnja 2020.godina. Kao dokaz je dostavio akt Federalnog ministarstva zdravstva o dozvoljenim sredstvima ( otrovima iz II i III skupine), na kojem stoji da preparat ( sredstvo) Kalifat granulat ne sadrži otrove sa gore navedene liste, te da sredstvo nije u nadležnosti Federalnog ministarstva zdravstva, što znači da navedeni ponuđač ne ispunjava tehničke karakteristike definisane tenderskom dokumentacijom.

Nesporno je da je ponuđač dostavio na strani 47. ugovor o nabavci otrova II ili III skupine otrova, a ponuđač je ponudio sredstvo repelent koji ne spada u otrove II ili III skupine otrova, kako je izričito zahtjevano tenderskom dokumentacijom, te se iz tih razloga ponuda odbacuje kao neprihvatljiva.

Polazeći od gore navedenih konstatacija i činjenica za predmetnu nabavku nijedna od primljenih ponuda nije prihvatljiva, **odnosno postupajući po Rješenju URŽ-a**, Komisija je utvrdila da su ispunjeni uslovi iz člana 69. ZJN i predlaže Ugovornom organu da se postupak javne nabavke za „ Pružanje usluga dezinfekcije, dezinskcije i deratizacije za potrebe KCUS-a”, objavljen na portalu e-Nabavke br. 893-1-2-513-3-267/20 od 16.07.2020. godine, **poništi** u skladu sa članom 69. stav 2 tačka d) ZJN (Sl. Glasnik BiH 39/14) **jer nije nijedna od primljenih ponuda nije prihvatljiva.**Prijedlog Komisije je prihvaćen i donijeta je odluka kao u dispozitivu.



**GENERALNA DIREKTORICA**  
**Prof. dr. Sebiha Izetbegović**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;

*Ispruhamović Z. Had*